

# GÒTIS DI FRIÛL

a cura di  
DARIO ZAMPA

## GRADISCJE dal Lusinz



La lidris dal non dal país 'e ven fûr dal slâf "Gradisce" ven a stâj "lûc fuartificât". I abitanz 'a son Gradiscjans.

### CURIOSITÂZ

Sul finî dal '700 Gradiscje 'e je stade nomenade **sede arcivescovîl**. In realtât il vescul si è fermât une sole di a Gradiscje parvie che, cuanch'al è rivât, nol devi vê cjatât dut a puest e al è tornât indaûr. Tal timp Gurizze e Triest 'e àn tornât a cjapâ la sede fisse ma chê di Gradiscje no je mai stade soprimude. Vuê, titolâr dal vescovât gradiscjan al è **Francois Bacqué**, nunzi apostotic te Republiche Domenicane.

### PERSONAZ

'A erin origjnaris dal comun: **Luigi Spazzapan**, pitôr. **Giovanni Lorenzoni**, poete e scritôr. **Federico de Comelli**, ingegnîr prosadôr e poete. **Alfonso Mosetti**, storic. **Luigi Colaussi**, 'zujadôr di balon; mondiâl tal '38. **Giovanni B. Novelli** e **Ferruccio Patuna**, scultôrs. **Rodolfo Quargnal**, liutâr. E 'a son: **Enzo Barbaresco**, 'za arbitro internazionâl. **Sergio Macoratti**, 52 presincis te nazionâl di "basket". **Achille Canna**, 7 voltis te nazionâl di "basket". **Maria Masau**, esperte in arte contemporanee e storie da l'art. **Lucio Belviso**, un preseât pianist.

### RIFLESSION

No si pò indagâ su dut e su duc': tantis robis al è miôr ch'a rèstin platadis. (Sofocle)